



Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

15 Septembre 2017
(23 Dhul-Hijjah 1438 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « Surah An-Nasr (Ch. 110) »:

بِسْمِ اللَّهِ الرَّحْمَنِ الرَّحِيمِ
إِذَا جَاءَ نَصْرُ اللَّهِ وَالْفَتْحُ
وَرَأَيْتَ النَّاسَ
يَدْخُلُونَ فِي دِينِ اللَّهِ أَفْوَاجًا
فَسَبِّحْ بِحَمْدِ رَبِّكَ
وَاسْتَغْفِرْ لَهُ إِنَّهُ كَانَ تَوَّابًا

SURAH AN-NASR (CH. 110) - LE SECOURS

1. Bismillah-ir-Rahman-ir-Rahim;
2. Izaa jaaa-a Nasrullaahi wal-fat-hu;
3. War a-aytan-naasa yad-khuluuna fii Diinillaahi afwaajaa;
4. Fa-sabbih bi-Hamdi Rabbika wastagfirh. Inna-Huu kaana Tawwaabaa.

1. Au Nom d'Allah, Le Très Gracieux, Le Très Miséricordieux.
 2. Kan l'aide d'Allah vini et aussi la victoire;
 3. Et kan to trouve dimounes rentre dans religion Allah en foules;
 4. Alors chante gloire to Maitre et demande So pardon car c'est Li, Le Grand Pardonneur.
- (An-Nasr 110: 1-4)

Ça joli chapitre là ti le dernier à être révélé au Saint Prophète Muhammad (saws). Li ti révélé à peu près quelques mois avant ki le Saint Prophète (saws) quitte ça le monde là. L'endroit kot li ti recevoir ça révélation là ti soit Makkah kan li ti alle faire so dernier Hajj ou sois à Madina kan li fine retourné. La victoire li le résultat suprême et final d'ene devoir accompli, nous devoir ki nous ena envers Allah et faudé pas prend ça comme ene badinage. Tout victoire possible seulement avec l'aide puissante d'Allah.

Pour kikaine ki toujours droite et bon, alors pour li, l'aide d'Allah li proche avec li et aussi la victoire! Kan l'âme li attache li-même avec Allah et So Messenger et li regroupe li ensemble avec bane ki fine gagne la foi, alors arrive séki arrive, zot la guerre contre bane faussetés, bane mécréants (*Kafirs*) avec tous zot la force et zot charrié humblement le drapeau de la foi et zot marche avec certitude vers la victoire, ene victoire ki vine purement de côté d'Allah. C'est à Allah ki nous bizin demande l'aide et c'est Li certainement ki vine nous l'aide dans tous circonstances kan nous tourne vers Li avec sincérité et c'est Li ki tourne vers nous avec So pitié et So Miséricorde.

A travers ça surah là, Allah pé donne nous ene indication ki nous bizin reste fidèle à So l'unicité, mais après la victoire, bizin maintenir la foi quoi qu'il arrive parski c'est Li-même le Maître Absolu et tout dépanne de So volonté. Jamais nous pour capave réussi sans l'aide d'Allah. Donc, kan Li aide nous dans nous la vie de tous les jours, ki nous dans ene grand difficulté ou ki nous pé passe ene épreuve même dans ene contentement, nous bizin toujours montré nous humble reconnaissance envers Li et toujours faire nous lékaire soumettre à Li, avec ene sincérité totale. Nous bizin prié pour ki Li pardonne nous, nous bane péchés et kan à sak fois ki nous gagne la victoire, ki li dans la vie mondaine ou dans nous la vie spirituelle, nous bizin conne Allah tous les temps, ki dans nous bonheur, ki dans nous malheur. Nous cultive ça l'habitude là ki tous les temps nous dire « ***Alhamdulillah*** » (*Tout louanges pou Allah*) pour bane faveurs et l'aide ki Allah donne nous et si ene malheur frappe nous, nous bizin dire: **Innal lillahé wa inna ilaihi raa-jeeoune** (*Nous appartenir à Allah et c'est vers Li ki nous pour retourné (ene jour)*).

Chapitre An-Nasr ki mo fine lire devant ou kot Allah fine révèle le Prophète (saws):

Versets 2 & 3: Izaa jaaa-a Nasrullaahi wal-fat-hu; War a-aytan-naasa yad-khuluuna fii Diinillaahi afwaajaa - *Kan l'aide d'Allah vini et aussi la victoire; Et kan to trouve dimounes rentre dans religion Allah en foules;*

Le Saint Prophète (saws) ti bizin fuir de la Mecque pour alle réfugié à Médine. Bane *Kafirs* ti pé poursuivre li pour persécute et touye li. A Madina tous bane dimounes véridiques et sages ti autour de li et Allah fine mette So la force dans zot la foi et zot initiatives et zot

fine réussi combattre bane Mecquois ki ti rassemblé pour détruire li. Kan Allah fine faire li gagne ene victoire éclatante à la Mecque, alors petit à petit tout l'Arabie en entier fine soumette à l'Islam. La conquête de la Mecque ti le résulta final de bane jours, l'année et seconde de patience ki li fine passé dépi ki Allah fine honore li du manteau de prophète. Allah fine honore So promesse envers So bien-aimé prophète et après la conquête de la Mecque, bane tribus et l'Arabie en entier fine soumette à l'unicité d'Allah et même ki le message de l'Islam fine alle aux quatre coins du monde.

Ene leçon ki nous bizin tiré de ça bane versets là, c'est ki compte, c'est pas la vanité ki ene dimoune capave développé au moment de la victoire et du succès, mais ki au contraire, li bizin montré li humble et accorde so service à l'humanité en entier, parski ene vrai musulman so but, c'est pour obéir tous bane commandements d'Allah et So prophète et faire tout so possible pour plaire à Allah et faire tout so possible pour réalise Allah lors ça la terre là. Kan li pé rende service bane les autres, li pé assurément faire ça pour le bien de so propre l'âme parski dans sak individu ena l'essence d'Allah dans li.

Verset 4: Fa-sabbih bi-Hamdi Rabbika wastagfirh. Inna-Huu kaana Tawwaabaa. - *Alors chante gloire to Maître et demande So pardon car c'est Li, Le Grand Pardonneur.*

Sak dimoune bizin humilié li devant Allah, et confesse so bane faiblesses et cherche Allah So grâce, tout en attribuant le fruit de so travail à Allah tout seul et non pas à so propre zéffore. C'est Allah en vérité ki fine manifester So Bonté et So Miséricorde envers ça dimoune là. Mais le Prophète d'Allah ti ena ene lotte devoir honorable ki li ti bizin accompli: Prier pour la grâce et le pardon de so peuple, si toutefois ene kikaine parmi so bane peuples fine faire ene kitchose ki li pas ti bizin faire dans périodes de la victoire. Allah de par So grâce Li accorde nous So faveurs et Li pardonne nous, nous bane péchés et Li accorde nous So protection sans ki Li obligé faire li. Mais Allah de par So Miséricorde envers So bane créatures Li faire li. Sans So l'aide, jamais nous ti pou gagner. Alors, nous, So bane 'banda', nous bizin implorer So pardon pour nous bane fautes avec résolution ferme pour pas recommencer après. *Insha-Allah.*

Innallaaha ma-allaziinat taqaw wallaziina hum-Muhsinuun.

Allah reste avec bane ki amène ene bon la vie et ki faire du bien. (An-Nahl 16: 129).

Ki Allah aide nous pour toujours montrer nous reconnaissant pour tout bane faveurs ki Li faire lors nous, et ki *Insha-Allah*, dans tout victoire ki nous remporter pour So cause, ki nous toujours agir humblement et sans prétention, avec la bénédiction d'Allah. *Insha-Allah, Ameen.*